

道統君知否定中究得無中有無中有虛空粉碎呵呵拍手

減字木蘭花

黃芽白雪休言老邁難重結一點誠心旋得天關地換新乾
坤復姤週能復始良非謬月露梅香剝盡純陰見一陽

西江月

陋質惟知斬縛清修焉用叅求莫言鉛汞屬癩疣只要心明性
剖識得壺中日月方知害不為仇內真外假藉雙眸鼻觀成
成奇偶

南鄉子

秋意正蕭騷楓葉蘆花著處飄莫把光陰虛度過推敲跳出乾

道藏輯要

三寶心鏡

辛

壁集四

川大川

坤性命牢 小艇泛江潮柔櫓咿啞帶月搖撇卻人間煩惱窟
逍遙滿飲松花酒一瓢

乾訣附

真傳真傳

易曰乾道成男坤道成女又曰各正性命故男子秉乾健之
能而真陰中積外剛內柔非儼然一離象耶迨夫後天用事
真陰日耗陽亦旋衰非特難於還乾抑且不成離象求道者
以法鍊還離體然後由離歸乾以全天之所賦名曰還丹太
上垂慈為有志性命者立法而曰真傳真傳蓋上二字傳後
天之功夫作用下二字傳先天之功夫作用此雙修之法非

真無以入手也

道非求遠

易曰一陰一陽之謂道則知晦明風雨山川河嶽天地之陰陽喜怒哀樂人之陰陽飛潛動植萬物之陰陽人能靜悟即可吸兔髓而飲烏血秦皇漢武不識本來猶臨鏡而問對者之爲誰豈不悞哉

築基煉已

凡人一身精爲氣母氣爲神母母卽基也汨於利欲則氣日內損神日外馳精之不固基焉立邪惟築有法內則激其心而性自清絕其欲而神自定外則立德以全其性分積功以

道藏輯要

三寶心證

至

壁集四

助其機緣必使神安於天闕精填於髓海氣滿於玄關然後知基爲學道者之根本而築爲入道者之初功至於已有二義陰陽留戊己之門離坎盡主賓之道學者縱明敏過人不能舍門戶而登堂入室亦不能外賓主而返本還元論其所鍾則不在東兮不在南又非居址向人間有人問道家何處遙指前川是洞天嗟嗟識得真已由自煨煉道始可望學者不求順適步步逆修收斂身心放大膽量今日煨明日煉煨之再煨煉而又煉直至水窮山盡火息煙消養成天下一個無用之人方做得聖賢事業是以不識已則無可煉不善煉必將失已曾爲築煉可輕試耶